



TOSHKENT DAVLAT YURIDIK UNIVERSITETI REKTORINING B U Y R U G ' I

29.03.2023

181-tm-son

Talabaga hayfsan e'lon qilish to'g'risida

Bugungi kunda universitetda zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksiga rioya qilmaslik holatlari kuzatilmoqda.

Jumladan, universitetning Xususiy huquq fakulteti 1-kurs B-potok 2-guruh to'lov-kontrakt asosida tahsil oluvchi talabasi Dadaxonov Yahyo Bahrom o'g'li va 1-kurs A-potok 2-guruh to'lov-kontrakt asosida tahsil oluvchi talabasi Rayimov Otabek Yashnarjon o'g'li hamda 1-kurs A-potok 2-guruh to'lov-kontrakt asosida tahsil oluvchi talabasi Ismatov Jonibek Jo'rabek o'g'li universitet Odob-axloq kodeksi qoidalari bilan tanishtirilgan bo'lishiga qaramasdan universitet hududida tamaki mahsulotlarini iste'mol qilgan. Talaba mazkur harakatlari bilan universitet Odob-axloq kodeksi 16-moddasining uchinchi va sakkizinchi xatboshilari talablarini buzgan.

Yuqoridagilarni inobatga olgan holda Oliy ta'lim to'g'risida nizom (ro'yxat raqami 1222, 2003 yil 22 fevral) 51-bandi, Toshkent davlat yuridik universiteti Odob-axloq kodeksining 16-moddasi hamda universitetning Ichki-tartib qoidalari (ichki mehnat tartibi qoidalari) 83-bandiga asosan hamda Xususiy huquq fakulteti dekani B.Musayevning taqdimnomasiga muvofiq

BUYURAMAN:

1. Universitet Odob-axloq kodeksi 16-moddasining uchinchi va sakkizinchi xatboshi talablarini buzganligi uchun Xususiy huquq fakulteti 1-kurs B-potok 2-guruh to'lov-kontrakt asosida tahsil oluvchi talabasi Dadaxonov Yahyo Bahrom o'g'li va A-potok 2-guruh to'lov-kontrakt asosida tahsil oluvchi talabasi Rayimov Otabek Yashnarjon o'g'li hamda 1-kurs A-potok 2-guruh to'lov-kontrakt asosida

tahsil oluvchi talabasi Ismatov Jonibek Jo‘rabek o‘g‘liga hayfsan e‘lon qilinsin.

2. Fakulteti dekani (B.Musayev):

ushbu buyruq bilan barcha talabalarni tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to‘g‘risida ogohlantirsin;

mazkur talabaning shaxsiy hujjatlar yig‘majildiga buyruq nusxasi tikilishini ta‘minlasin.

3. Fakultet dekanlari (Sh.Saydullaev, D.Umarxanova, B.Musayev, D.Kamalova, A.Babadjanov) 3 kun muddatda mazkur buyruq bilan qo‘llanilgan intizomiy jazo chorasini talabalar shaxsini sir saqlagan holda talabalar o‘rtasida shu kabi holatlar takroran yuzaga kelmasligi, ularda dars mashg‘ulotlari hamda professor-o‘qituvchilarga bo‘lgan hurmatni shakllantirish maqsadida barcha talabalar e‘tiboriga yetkazish choralari ko‘rsin.

4. Mazkur buyruq bajarilishini nazorat qilish Yoshlar masalalari va ma‘naviy-ma‘rifiy ishlar bo‘yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



yuriskonsult

D.ALIBOYEV

